

# GWEDDI AR GYFER NADOLIG 2020

## ODDI WRTH CYNNAL, STAFELL FYW CAERDYDD, CAIS ac ADFERIAD RECOVERY

Arglwydd y bywyd, deun gyda thyrfaoedd byd  
i'th addoli a'th fawrhau y Nadolig hwn.

Mae'r byd tu-chwith-allan hwn yn ymddangos  
mor gymysglyd yn y llanast Cofidaidd hwn,  
gyda chynron anghyfiawnder a chasineb yn cnoi  
ar gnawd ein hofnau dynol.

Gweddiwn am iachâd i'n cymunedau clwyfedig  
a chymod yn ein cenedloedd rhwygedig.

Gweddiwn am iachâd o feirws Cofid

Ac eneidiau mewn cytgord yng nghanol byd o anghytgord.

Cofiwn yn weddigar am ein gilydd gyda'n anghenion amrywiol,  
yr ofnus a'r bregus, yr unig a'r di-hwyl.

Mewn byd hunanol a thrist

cofiwn yn arbennig am y sawl sydd wedi eu dal  
yng ngwëau cam-ddefnydd sylweddau,  
gan ymbil am well dealltwriaeth o'r dioddefwyr.

Gweddiwn drosom ein hunain,

- y cawn y dewrder i wynebu ein anghenion,

beth bynnag ydynt,

ac am obaith

y deun o hyd i'r datrysiad o'n gwahanol anawsterau.

Boed i'th oleuni lewyrchu ym mhob cornel dywyll y Nadolig hwn,  
ac i'th ras gael ei amlygu yn y llefydd mwyaf trist.

Cymorth ni, hyd yn oed yn nhomen ein materoliaeth, i weld dy harddwch Di,  
ac i deimlo, mewn byd o densiynau, dy lonyddwch sanctaidd.

Wrth i ni glywed ymadroddion a melodïau'r Nadolig,

Pâr i ni brofi bendith dy bresenoldeb yn ein bywydau.

Amen

